

INUIT ATAQATIGIIT INATSISARTUNI



UKA2023/71

Ulloq saqqummiivik: 25.Okt.23

Illit atit: Mikivsuk Thomassen.

Misigissutsikkut ikiuigasuartarneq pillugu apeqquteqaat aallaavigalugu oqallinnissamik siunnersuut

(Inatsisartuni ilaasortaq Doris J. Jensen, Siumut)

Apeqquteqaat aallaavigalugu oqallississiortumut qujavugut.

Nappaatigut assigiinngitsut takkussinnaapput timikkut tarnikkullu nanertuusaasinnaallutik. Ikiorseerseqarsinnaajunnaarluni paasisaqartoqartillugu ilaqutariinnut eqqorneqartut imaannaanngitsuvoq, ikiorseerseqarasuarnerlu pingaaruteqartuulluni.

Ilaqarpugut piffissani sivisuumik nappaamminnik anguniguiniarlutik sukataartunik imaannaanngitsuuvorlu tamanna annertuumik piffisammik atuinartuummat, ilaqarpugut ikiorseerseqarsinnaajunnaareerlutik paasitsinneqartunik, eqqorneqarluni tassanngaannarlu paasisaqartoqartillugu misigissutsit sakkortuumik aallasaatigineqartarpoq.

Qallunaat nunaannut nakorsiarsimasunut ilaquttanik ilagisaqarani napparsimalersimalluni paasisaqarluni tamannalu taamatut ingerlaannartoqarnissaa naliginnaasunngussanngitsoq Inuit Ataqatigiinniit isumaqarpugut.

Pinasuartumik oqaloqateqarsinnaaneq pingaaruteqartoq ikiorseerseqarsinnaajunnaaqqalluni paasiaqarneq imaanngitsuussasooq naatsorsuutigisinnaavara tamannalu oqinnerusumik pisarnissaa takorloorneqarsinnaavoq.

Assersuutigalugu amerlanerpaatigut kissaatigisarparput oqaloqatigiinneq ingerlassappat ilaquttaanik qanigisanillu ilagisaqartarnissarput, aammalu inuttut atukkavut aallaavigalugit naleqquttumik oqaloqateqarnissarput.

Naalackersuisut akissutaat eqqaanngitsoorusunngilara, akissutaanni takuneqarsinnaavoq tarnip pissusaannik immikkut ilisimasalinnik

INUIT ATAQATIGIIT INATSIARTUNI



oqaloqateqartoqarsinnaasoq, tamanna qujanarpoq, attaveqaatillu atorlugit katsorsaasoqarsinnaalluni taakkunatulli isumaqarpugutnunatta avataanut nakorsiaartartunut annikippallaartutut isigineqarsinnaammata. Soorunami pitsaassutsip tungaanut ingerlasoqassappat, ilinniarsimassutsikkut piginnaasallit isiginiarneqartariaqarput, soorunami namminneq kajumissuseq aallaavigalugu oqaloqatiginnittartut pinngitsoorsinnaanngilagut.

Qujanartumik nammineq kajumissuseq aallaavigalugu suliaqartartut qutsavissaapput, kiisalu Kalaallit illuanni sulisut qutsavissaallutik. Nukissatik tamaasa atorlugit sulimmata minnerunngitsumillu nunatsinni sulisorpassuit.

Kalerrisoqartillugu pingaaruteqarnerpaat ilagaat ilaquttamik ilagisaqarnissaq amerlagisassaappulli ilaquttaminnik ilagisaqaratik paasisaqartarnerat, tamannalu annikinnerpaaffissaminniinnissaq kissaatigaarput.

Nunatsinni aamma kalerrisarneq paasisaqartarnerlu pitsaassutsip tungaanut ingerlaannarnissaa pingaaruteqarpoq.

Taama oqaaseqaateqarluta qujavugut.